



MINISTÉRIO DA SOLIDARIEDADE SOCIAL E INCLUSÃO
Direcção Nacional de Desenvolvimento Social

Termu Referensia

Konsultor Nasional Ba Dezenvolve Politika Hari'i Paz e Coesão Social

Numeru Referensia : 04/MSSI/DNARH/V/2019

Periodu hahu : Abril 2019
Durasau : Fulan 3
Salario : \$ 2,000.00 kada fulan
Dirasau servisu : Dirasau Nasional Dezenvolvimentu Sosial

I. Introdusaun

Timor-Leste hanesan nasaun ne'ebe soberano, demokratiku no independente, hare ba esperensia hosi krize 2006 ne'ebé akontese iha Timor-Leste, sai ijemplu konkreta ida iha komidade sira nia moris oinsa atu minimiza konfliktu nebe mosu iha sira nia le'et. Ministerio Solidariedade Sosial iha tinan 2006 to'o 2010, liu husi Programa Hamutuk Hari Futuru (PHHF), estabelese Ekipa Dialogu nebe konsege fasilita prosesu mediasaun no dialogu liu husi meius kulturais ba prevensaun no rezolusaun konfliktu hodi lori hikas maluk deslokadus krize 2006 nian ba sira nia hela fatin. Hosi progresu ne'e tomak, hamosu inisiativa ida hodi hari departamentu ida iha Governu atu tau matan kona-ba asuntu "*Hari'i Paz no Koezaun Sosiál*".

Direasun Nasional Dezenvolvimentu Sosial (DNDS), husi Ministeriu Solidariedade Sosial no Inklusaun mak sei implementa programa ne'e. DNDS hanesan Direasun teknika nebe responsavel ba kordenasaun mekanismu prestasaun servisu sosial ba populasaun ne'ebe sai vulneravel tanba afeta husi konfliktu komunitaria. Problema ne'ebe sai hanesan potensia hodi hamosu tensaun entre membru komidade sira mak hanesan; problema hadau malu rai, rai baliza, rai eransa, riku soi ne'ebe maka husik hela husi bei'ala sira ba be-oan sira no iha feto barak maka sei la-hetan aressu ba sasan hirak ne'e.

Dis-igualidade, diskriminasaun no violensia domestika nafatin akontese no buras liu tan iha komidade nia le'et no susar atu lakon, situasaun ne'e akontese iha parte hotu, hahu husi Nivel Internasional, Nasaun, Religiaun, Sosial, Kultura, Ekonomia no to'o ba iha nivel Familia.

Problema dis-igualidade, diskriminasaun no violensia domestika sai hanesan kestaun importante ida hodi hetan atensaun tamba iha moris sosial hamosu ona diferensia

kna'ar, responsabilidade, direitu no funsaun inklui espasu ba servisu entre mane no fetu iha comunidade.

Diferensia ida ne'e ikus mai hamosu comunidade ida ne'ebe diskriminador iha asuntu atendentu (ha'halok) asesu, partisipasaun no kontrola ba iha rezultadu desenvolvimentu rekursu mane nian. Tamba ne'e mak persiza iha politika ida ne'ebe bele asegu implementasaun programa no atividades Hari'i Paz no Koezaun Sosial.

II. Diskrisaun Servisu

Deskrisaun servisu mak hanesan tuir mai ne'e :

1. Dezenvolve no finaliza Politika Hari'i Paz no Koezaun Sosial, ne'ebe akumula prosesu tomak ba elaborasaun, difine elementu relevante ba prosesu no finaliza esbosu Politika Hari'i Paz no Koezaun Sosial nomos define estrutura, sistematiza, elabora dokumentus no hakerek informasaun hotu-hotu ne'ebe rekolha iha inisiu/konsultasaun, prepara esbosu Politika Hari'i Paz no Koezaun Sosial ba apresentasaun pre-liminar no dokumentus ikus apresentasaun ba validasaun Politika Hari'i Paz no Koezaun Sosial;
2. Apresentasaun Politika Hari'i Paz no Koezaun Sosial ne'ebe, akumula prosesu tomak nebe halao, no apresenta rezultadu final Politika Hari'i Paz no Koezaun Sosial ba MSSI-DNDS ninia apresiasaun no kontinua submete ba Konsellu Ministru ninia aprovasaun.

III. Ambitu servisu

1. Halo kordenasaun no komunikasaun intensivu ba prosesu dezenvolvimentu Politika Hari'i Paz no Koezaun Sosial, atu asegu envolvimentu entidades relevantes (Internal MSSI no External) iha prosesu tomak, iha diskusaun, konsultasaun, preparasaun no implementasaun atividades;
2. Servisu hamutuk ho Tekniku Diresaun Nasional Dezenvolvimentu Sosial – Departamentu Hari'i Paz no Koezaun Sosial no mos ho Instituisaun Estadu no sociedade sivil hodi apoiu prosesu dezenvolvimentu Politika Hari'i Paz no Koezaun Sosial;
3. Previzaun konseitu ba planeamentu atividades inklui kalenderizasaun ba iha prosesu dezenvolvimentu Politika Hari'i Paz no Koezaun Sosial;
4. Inisia no organiza konsultasaun, analiza dokumentus, elaborasaun dokumentus hotu hodi suporta prosesu dezenvolvimentu Politika Hari'i Paz no Koezaun Sosial;
5. Finaliza no apresenta esbosu "Hari'i Paz no Koezaun Sosial" ba Diresaun Nasional Dezenvolvimentu Sosial iha faze pre-limanariu;
6. Apresentasaun final "Hari'i Paz no Koezaun Sosial" ba superior MSSI ninia apresiasaun no kotinua ba submete ba Konsellu Ministru ninia aprovasaun.

